



www.BibleForChildren.org

उत्पत्ती १



पेलुच रेन बोगवान जुग एने
देरतीह बाणायो।



देरती बिगेर आकार एने हुनाहाड पुडेल
एती, एने उन्डाला पाण्या पोर आंदारो
एतो; एने बोगवानान जीव पाण्या
पोर फिरतालो।




तेवी बोगवान केयो, "उजालो एय," तेवी उजालो एय गीयो। उवतो
बोगवान उजालाह दिह एने आंदाराह रात केयो। ते हांज पोडनी एने
पोशो उजालो एवो, इहकेरीन पेल्लो दिह एय गीयो।



उवतो बोगवान केयो, "पाण्यान विची माय ओहलो गालो पोड जाय काय पाणी दुय बाग एय जाय।" एने बोगवान ता गालाह जुग केयो, एने हांज एवी एने पोशो उजालो एनो, इह केरीन दुसरो दिह एय गीयो।




उवतो बोगवान केयो, "जुगान नेडलो पाणी एक जागे टोलवाय जाय,
एने हुकेल बुय देखाय," एने तोहलोच एय गीयो। एने बोगवान हुकेल
बुईह देरती केयो, एने जो पाणी बोरायेल एतो ताह तो देरीयो
केयो : एने बोगवान दिख्यो काय हाजो हे।



उवतो बोगवान केयो, "देरती पोर निल्लो खेड एने बिजा वाला आत्या
आत्या जाडे एने फोलावाला जाडे बी जान बिजा ताच माय रतेह, एक
एक जातीन गेत देरती पोर उगे;" एने तोहलोच एय
गीयो। तेवी हांज एवी पोशो उजालो
एवो, इह केरीन तिसरो
दिह एय गीयो।




तेवी बोगवान दुय मोटला दिवा बी बाणायो; ता माय रेन मोटला
दिवाह दिह्या पोर आदिकार मेलनेन केरता, एने आतल्यो
दिवाह राती पोर ताबो मेलनेन केरता बाणायो
एने चांदण्याह बी बाणायो। तेवी हांज एनी
पोशो उजालो एनो। इह केरीन चौथो
दिह एय गीयो।



उवतो बोगवान केयो, "पाणी
जीवाताला जेनवारा माय जुलूमच
बोराय जाय, एने चिडा देरतीन उपेर
जुगाम उडी।" तेवी हांज एनी पोशो
उजालो एनो; इह केरीन
पाचवो दिह एय गीयो।




उवतो बोगवान केयो, देरती माय रेन एक एक जातीन जीवताला
जेनवार, मतलब पालन्या जेनवारे, एने लोलनारे जेन्तु, एने देरती
पोर वाला जेंगली जेनवारे, जाती जातीन गेत बुणे;
एने तोहलोच एय गीयो।



उवतो बोगवान केयो, "आपु माणहाह आपणा वेहान गेतुच आपु हारको बाणावता;" एने ताह देरीया वाला मासा एने जुगाम उड़नारे चिड़ा पोर एने पालन्या जेनवारे एने आखी देरती पोर, एने आखा लोलनार जेन्तु पोर जा देरती पोर लोलतेह, आदिकार मिले। तेवी बोगवान जो काय बाणायेल इतो तो आखो दिख्यो, ते काय दिख्यो काय तो जुलूमच हाजो हे। तेवी हांज एनी पोशो उजालो एनो इह केरीन सोव्वो दिह एय गीयो।



तेवी यहोवा बोगवान आदामाह लिजाईन अदन बोगिशाम मेल दिनो
काय तो ता माय काम केरी एने ताह देखरेत केरी।



एने यहोवा बोगवान
आदामाह ज्यो उकुम आप्यो,
"तु बोगिचान आखा जाडान
फोल खाय सिकेह, पुण हाजा
बाकतान एकलीन जो जाड
हे, तान फोल तु केदी मा
खाहे : काहाकाय जेदिह तु
तान फोल खाहे तेदिस जोरूड
मोर जाहे।"



तेवी आदम आखी जातीन पालन्या
जेनवार एने जुगाम उडनारे चिडा, एने
आखी जातीन जेंगली जेनवेरान नाव
मिल्यो; पुण आदम ने केरता ओहलो
काल्लो मुदेक केरनार नाह सापडनो जो
ता हेऱ्यो मेल खाय सेकी।



तेवी यहोवा बोगवान आदामाह बोर निंदी माय गार दिनो, एने तो
हुव गीयो, तेवी तो तान एक पाहलो काडीन तान जागे माह बोर
दिनो। एने यहोवा बोगवान ता पाहलीन जो आदामा माय रेन काडेल
इतो, तान बायकु बाणाव दिनो;
एने तिह आदम फाय लेन आवो।



तान केरता एदमी तान आईख आबाख सोडीन
तान लाडी हिऱ्यो मिलीन रेय एने ता दुयू एक
डिल बोणीन रेती।



काहाकाय बोगवान दुनियाह ओहलो मोंग
किऱ्यो काय तो तान एकुस मोंगाल्ला बेटाख
आप दिनो, काहाकाय जो कुण ता पोर बुरहो
केरी तो खेतेम नाय एय, पुण जेलेमक्यो
जीवाय सापडावी।



रोमीयो 3:23 ज्यानकेरता काय आखा माणहे पाप किरेल हेते एने
बोगवानान बोडायीह रेन सेटा हेते,

रोमीयो 6:23 काहाकाय पापान मोंजरी ते मोत हे, पुण बोगवानान गीणीन
वरदान आपणो मालीक मसी यीशु माय जेलेमक्यी जीवाय हे।

इब्रानियो 9:27 एने जिहकेरीन माणहान केरता एक वार मोरनु एने तान
पासाण नियाव ठेरायेल हे,

इफिसीयो 2:8,9 काहाकाय बोरहान द्वारे गीण केरीस ने तुमूह सुटकारो
जुडेल हे, एने ज्यो तुमरी उगे रेन नाह, पुण बोगवानान दान हे;
एने नाह कामान कारेण, ओहलो नाय एय काय कुण बी मोठाय केरी।

रोमीयो 10:9,10 काय केदी तु तारा मुया केरीन यीशुह मालीक जाणीन
कबुल किरहे, एने तारा मोना केरीन बुरहो केरी काय बोगवान ताह मुरेल
माय रेन जीवाड्यो, ताहार तारो सुटकारो एय। काहाकाय देरमीपोणान
केरता मोन से बुरहो केराय जाथे, एने सुटकारान केरता मुया केरीन कबुल
केराय जाथे।



योहान 3:16,17 काहाकाय बोगवान दुनियाह ओहलो मोंग किऱ्यो काय तो तान एकुस मोंगाल्ला बेटाख आप दिनो, काहाकाय जो कुण ता पोर बुरहो केरी तो खेतेम नाय एय, पुण जेलेमक्यो जीवाय सापडावी। बोगवान तान बेटाख दुनिया माय ज्यानकेरता नाह मुकल्यो काय दुनियान नियाव केरी, पुण ज्यानकेरता काय दुनियाह तान उगे रेन सुटकारो जुडी।

1 योहान 5:11-13 एने ती गोवाय ज्यीच हे काय बोगवान आपुह जेलेमक्यी जीवाय आपेल हे, एने ज्यी जीवाय तान सोरा माय हे। जा फाय बिटोख हे, ता फाय जीवाय हे; एने जा फाय बोगवानान बिटोख नाह सुतो, ता फाय जीवाय बी नाह सोती। जेलेमक्यो जीवाय तुमरो हे एवी ज्यो तुमूह मालुम एय जायेल हे, केरीन बोगवानान बेटाख ने नावा पोर बुरहो मेलनारे तुमूह मी ज्यो लेखथु।



उत्पत्ती 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Nahali Bible (nlx) © The Word for the World International
and Nahali Vishwaseen Mandli, Toranmal, Dhadgaon,
Nandurbar, Maharashtra 2025

<https://www.bible.com/en-GB/bible/2790/MAT.1.NII2025>

©2026 Bible for Children, Inc.

www.M1914.org

www.bibleforchildren.org

